



Bentiaraq Ottosen  
Atassut

UKA 2024/26  
26. September 2024

**Uunga siunnersuut: Ilinniarnertuunngorniartarneq pillugu Inatsisartut inatsisaata allanngortinneqarnera pillugu Inatsisartut inatsisaat**

(Ukiut pingasut sinnerlugit sivilissusilimmik ilinniartuunngorniarfikut akuerisaanissamut ilassutitut piunasaqaatit)

(Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Ilinniarnertuunngorniartarneq inuusuttunut orniginarsarluartariaqarparput, ilinniartut ilinnialersussallu sumiikkaluartulluuniit nunatta siunissaraat. Aallaavik annerpaaq qiviaqqaartussaassarput tassaavoq meeqqat atuarfiat, pinngitsoorneqarsinnaanngilarli tamanna meeqqat atuarfiat tassaammat meeqqamut siunissamut aqutissiusissusaq.

Nalunangilluinnarpoq inuusuttortatta soqutigilluinnalersimagaat ilinniarnertuunngorniaatigaluni timersorneq aqutigalugu qaffasinnerusumik ilinniagaqalernissamut aqut, tamanna soqutiginarupilussuuvuq tamatsinnut taakku periutsit atorlugit pitsaaliunikikkut siunertamut aqutaalluarsinnaammata.

Nammineq aallavigissaguma, ukioq 2012 ukiumi ataatsimi misiliinikuuvunga Sports College aqutigalugu ilinniaatigalunga, tamanna aqut toqqarsimasara timersornikkullu soqutigisara isikkamik arsarneq siuarsarsimavara. Inuttut ineriartuutigisimasaqisannik, imak allaat soqutiginnilersitsisimavoq timersornerup qanoq soqutiginassusaa qanorlu peqqinnartiginera allaat , kiffaangissuseqarfingaaarsiarlugulu.

Taamatut ineriartortitsiarnissaq pingaarutilerujussuuvuq, inuusuttup soqutigilluinnagaraa nammineq soqutigisaaq aallaavigalugu inuuneqarnissani tamanna kiffaangissuseq annertoq namminerisamiimmat.

GUX-imi ilinnialernissamut piunasaqaatit naammassisinnaappassuk soorunalimi ilinniartunngornissaat anguneqartussaavoq, tamatumalu malitsigisaanik ilinnialernissamut periarfissat allat aamma ammaasinnaalluarput. Kisianni una eqqarsaatigilluartaqarparput, soq GUX-imi ilinniagaq timersornertalik ukiuni sisamani ilinniartuunngorniarfikut? Ukiunimi pingasuinnarni ilinniakkap pinissaa naliginnaanerngila? Isumaqarpunga ilinniakkamik taamak sivilissusumik ilinniarnaraanni aamma periarfissat annertuut annaaneqarsinnaasartut, uani pineqarpoq ukiuni pingasuni GUX-i timersornertalik ingerlakkaani naammartuunngorniarfikut.

Assersuut bachelorimik ilinniartuq ukiuni pingasuni ilinniartarpoq, timersornermut tunngasuugaluarpat suugaluarpaluuniit. Kandidat-imut ingerlaqqippat ukiut marluk atornerqarsinnaasarlutik. Uani apeqqusernartoqartilaaqarpara ukiuni sisamani ilinniarnertuunngorniarfikut, pissutigalugu ukiut sisamat ingerlanerini aamma ilinniarnertuunngorniarfikut sammisamik allanngortinneqarsinnaammata. Sivilissusulluunngorniarfikut aamma arlaatigut ingerlariaqqinnissamik



atuarpallaarsimanermik kinguneqarluni atuannigiffeqarnissaq aamma inissaqartinneqalersarmat, pissutsit piviusut taamaapput.

GUX-imi sammisap timersorneq pillugu ingerlatsisoqarnera ajoriinnagassaannigilaq, amigaatigiinnarparali ilinniarnertuungorniarniit allat aamma periarfissamik taamatut ittumik pilersitsivigineqarnissaat, soorlu Aasianni aamma Qaqortumilu. Ilisimalluarparami aamma soqutiginnittoqartaraluartoq taamatut ingerlatserusuttunik, tamakkua aamma isiginiarneqartariaqartut isumaqarpunga.

Eqqaarusulluinnarpara tamatuminnga aamma Ilimmarfik pillugu timersornermut qaffasinnerusumik ilinniarfimmik nunatsinni ilinniakkamik peqartariaqartoq, tassa sammisap ilinniaqqiffittut qaffasinnerusumut ingerlaqqiffiusinnaammat. Timersorneq aamma peqqissuseq aallaavigalugu ilinniarfik nunatsinni pilersittariaqakkatta ilagaat, nalunnigilarpummi Danmarkimi tamanna ilinniarneqartartoq. Bachelor aamma Kandidat pillugu ilinniarfiit maani nunatsinni ilaartorneqarsinnaasariaqarput, tamakkua aamma pillugit isumaqarpunga eqqarsaatersuuteqartariaqalersugut. Kalaallit Nunaat ilinniarfigissallugu aamma ilinniakkanik soqutiginarluinnartunik inuusuttortatsinnut meerartatsinnullu maligassiuilluta pilersitsiffigisariaqarpavut. Taakkummatami siunissagut, siunissamilu ingerlatitsisussagut.

2030 nunani tamalaani peqqinnerulernissamik siunertaqarpugut, nammineq ilusilersorsinnaasatsinnik, immitsinnut aallaavigaluta ineriartortitsissinnaasatsinnik. Periarfissat taamaattut atorluarnerisigut isumaqarpunga piginnaangorsaaqiinerit tamakkunanga atorneqarluarsinnaasut, aqutissiuussisariaqalerpugut tamattaalluta.

Naalakkersuisut suliaqaqqunarput, ilinniarnertuungorniartup akissarsiaasa nalimmassarneqarnissaat pillugu. Ullumikkut pisiniarfinni akigititaasut pillugit nalimmaterujussuannigillat ilinniartup akissarsiai eqqarsaatigalugit, tamakkua qaqilernerinut peqquutaavoq; Ilinniartut aamma ilaatigut meeraqarput, tamakkua eqqarsaatigalugit isumaqarpunga aamma isummamik pilersitsisoqartariaqartoq. Ilinniarneq orniginarsartariaqarparput, ilinniarneq siunissamut aqutissiuussisuuvoq.

Ilinniarnertuungorniarniit sammisap timersorneq pillugu ilinniarnertuungorniarneq Qaqortumi aamma Aasianni periarfissaalernissaa piumasaraarput, pingaartikkatigu timersorneq nuna tamakkerlugu siuarsarneqassappat aamma taakkunani periarfissatut inissisimalluareemat. Tamakku periarfissat atorneqarluartariaqarput, Naalakkersuisut isumaqarpunga taamaaliortoqarpat inoqarfinni pineqartuni marluusuni aamma pinaveersaartitsinerit assigisaallu pitsanngoriaateqarsinnaasut.

Kultureqarnermut, Ilinniartitaanermut Ilisimatusarnermut Ilageeqarnermullu ataatsimiititaliamut ingerlateqqinnissaa innersuupparput **“pingaartumik Ilinniarnertuungorniarniit marluk Avannaata Ilinniarnertuungorniarniit aamma Campus Kujallermi sammisap timersorneq aamma periarfissaalernissaa pillugu”**.